

第一七七册

方輿彙編

職方典

大理府部

臨安府部

(卷)

一四七—一四八〇

一四七一—一四八六

古今圖書集成

中華書局影印



古
今
圖
書
集
成

古今圖書集成

卷之四

欽定古今圖書集成方輿彙編職方典

第一千四百六十七卷目錄

大理府部彙考一

大理府建置沿革考

大理府疆域考 有圖 形勝附

大理府星野考

大理府山川考 水利附

大理府城池考

大理府關梁考

大理府公署考

職方典第一千四百六十七卷

大理府部彙考一

大理府建置沿革考

本府

通志

三代時國曰昆彌戰國屬楚漢元封間置益州郡東漢屬永昌郡蜀漢分置雲南郡晉因之兼置寧州李特據蜀屬漢州宋屬河陽郡齊改屬西河郡梁陳仍之隋分置南寧州屬益州總管府唐屬姚州開元後蒙氏竊據名羊咀咩城號

大禮國後鄭趙楊三姓繼據之至段氏曰大理元憲宗時立上下二萬戶府至元間置十二關防送千戶所改置大理路明改路爲府領州四縣三長官司一

皇清因之康熙五年改北勝州隸大理領州五縣三長官司一

太和縣 附郭

漢葉榆地唐開元末皮邏閣逐和蠻取之名太和城元初立上中下三千戶所尋罷中千戶所立錄事司併縣後復陞爲理州又罷州改縣曰太和及河東路屬大理路明太和縣

皇清因之康熙二十六年裁大理衛分境屯賦併縣

趙州

漢屬永昌郡唐姚州境地蒙氏爲趙臉皮邏閣置趙郡閣羅鳳改趙州宋段氏改天水郡元初立趙賧千戶所隸大理下萬戶府至元中改爲州又於白崖臉立建寧縣尋縣併爲州明趙州領雲南縣

皇清因之康熙二十六年裁大理景東二衛分境屯

賦併州

雲南縣

漢雲南縣隸益州郡東漢屬永昌郡蜀漢改屬雲南郡唐初置雲南州貞觀中改匡州領勃弄匡川二縣後仁果據之號白子國蒙氏爲雲南州改品甸縣晉雲南州元立品甸千戶所至元中復爲雲南州後降爲縣隸大理路明雲南縣隸趙州

皇清因之康熙五年裁洱海衛屯賦併縣

鄧川州 漢葉榆縣地唐遂備州隸姚州都督府後爲鄧賧詔所據南詔併之置鄧川臉後改德源城宋

大理段氏因之元初立德源千戶所隸大理上萬戶府至元中改鄧川州明鄧川州領浪穹縣

皇清因之康熙二十六年裁大理衛分境屯賦併州

浪穹縣

漢葉榆縣地浪穹詔居之唐初爲南詔所侵其王鐸羅望移保劍川更稱浪劍貞元中南詔併之立浪穹州元立浪穹千戶所隸大理上萬戶府至元中改爲浪穹縣與鳳羽縣俱屬鄧川州明併鳳羽入浪穹縣隸鄧川州

皇清因之康熙二十六年裁大理衛分境屯賦併縣

賓川州

漢葉榆地唐姚州地蒙氏太和楚場地元爲太和趙州雲南縣之境明弘治七年割太和九里趙州一里雲南縣二里建設賓川州隸大理府

皇清因之康熙五年裁大羅衛康熙二十六年又裁

大理衛分境屯賦併州

雲龍州

元舊雲龍甸至元末立雲龍甸軍民總管府并防送千戶所隸金齒宣慰司明置雲龍州隸大理府

皇清因之

北勝州

戰國白國地漢鐵橋西北爲施蠻所據唐貞元

中南詔異牟尋始開其地名北方賧又名成偈
賧又改名善巨郡宋段氏改爲成紀鎮元置施
州後改北勝府屬麗江路軍民宣慰司明初爲
北勝州屬鶴慶府尋置瀾滄衛軍民指揮使司
以州隸之正統六年改隸布政使司與衛同治
又以浪蕓州屬衛隸雲南都指揮使司
皇清因之康熙五年改隸大理府康熙二十六年裁
瀾滄衛屯賦併州
十二關長官司
元本雲南楚場地至元間因僻險始置十二關
防送千戶所明改置長官司隸大理府
皇清因之

大理府疆域圖

大理府疆域考
本府
東至姚安府界二百八十里
西至蒙化府界六十三里
南至蒙化府界七十里
北至鶴慶府界一百五十里
由府至省八百九十里
東西廣三百四十三里南北袤二百二十里
太和縣附郭



通志

東至賓川州界二十里
西至蒙化府界六十三里
南至趙州界三十里
北至鄧川州界七十里
趙州
東至賓川州界三十里
西至蒙化府界三十里
南至鎮南州界二百三十里
北至太和縣界二十里
雲南縣
東至姚安府白鹽井界二百里
西至趙州界二十五里
南至趙州界一百里
北至賓川州界四十里
鄧川州
東至北勝州界一百四十里
西至永平縣界五十里
南至太和縣界二百里
北至浪穹縣界三十里
浪穹縣
東至鶴慶府界二十里
西至劍川州界二十里
南至鄧川州界八里
北至劍川州界一百里
賓川州
東至雲南縣界四十里
西至太和縣界一百二十里

南至雲南縣界五十里

北至北勝州界一百二十里

雲龍州

東至浪穹縣界九十里

西至保山縣界一百八十里

南至永平縣界八十里

北至麗江府界一百一十里

北勝州

東至四川鹽井衛界三百四十八里

西至鶴慶府界二十五里

南至賓川州界一百一十三里

北至永寧府三百八里

十二關長官司

東至白鹽井提舉司界一百二十里

西至雲南縣界一百五十里

南至姚安府界三百里

北至賓川州界一百七十里

形勝附

本府 太和縣附郭

東有若水九巖南有昆彌鐵柱黑水雲龍扼其

西極鐵橋石門爲之北關舊志蒼山爲險榆河

爲池阻以迴嶺崇岡緣以漾濞巨浸洵南服之

都會據全省之上游按府志背負蒼山面臨洱

水龍首龍尾內關山水之交滄江金江外固門

戶之勢接永騰爲羽翼聯鶴麗爲藩籬

趙州

左瀕西洱河右障昆彌嶺鐵柱岩城南鎖葉榆

庭戶按府志北環玉洱南障昆彌更藉鐵柱之餘威卽壯金湯之勝氣

雲南縣

川原平行岡巒四塞爲全省神臬按府志品甸

掌平鼎山屏列居然勝槩

鄧川州

西鎮象山之足南據龍關之首蒼洱上游此爲

要郡按府志南扼龍岡西倚象嶺控羅川而接

鳳羽足輦榆郡之上游

浪穹縣

扼塞兩江灌輸寧水南詔奧區按府志隆坪踞

首寄海邊胥左據茨河右鈴滿峽弓垣加謹誰

其窺之

賓川州

鍾英東峙雞足西盤內擁赤崖鐵索之岩區外

繞金江洱水之天塹按府志箐連鐵索江限金

河雞足逼天鳳岡抱郭要使伏莽之無徒卽爲

郡東之屏蔽

雲龍州

後阻瀾江前帶泚河崇山複嶺之中號稱岩郡

北勝州

孤懸江外列岫成城北控吐蕃有扼吭拊背之

勢

大理府星野考

府志

府總

滇在漢爲益州郡屬梁雍之域梁雍屬秦故班固地理志曰秦地於禹貢時跨梁雍二州於天官爲東井與鬼之分野也牂牁越雋益州皆宜屬焉由此觀之則大理之星野總在井鬼之分矣

東井八星與鬼四星皆在未宮南方朱鳥之首井宿三十度鬼宿五度井鬼之中南河三星居南北河三星居北是爲兩戒按皇甫謐帝王世紀自畢十二度至東井十五度曰實沈之次爲晉魏分野自井十六度至柳八度曰鶉首之次爲秦之分野然費直起畢九度蔡邕起畢六度爲實沈費直起井十二度蔡邕起井十度爲鶉首言人人殊非真知灼見者未易與之辨獨僧一行則以東井與鬼皆次鶉首也其論井鬼之分野以南河北河二星分兩戒以定之北河爲北戒南河爲南戒東井居兩河之陰自山河上流當地絡之西北與鬼居兩河之陽自漢中東盡華陽與鶉火相接當地絡之東南鶉首之外雲漢潛流而未達故狼星在江河上流之西弧矢天雞皆微外之備也西羌吐蕃吐谷澤及西南徼外彝皆占狼星由斯以言則大理星野固屬井鬼然北近吐蕃西南去交緬不遠占星者尤宜留意於天狼弧矢之間乎

大理府山川考

通志

本府 太和縣附郭

點蒼山 一名靈鷲綿亙百餘里環列東向巉

崖積雪盛夏不消中峰起雲奇幻莫狀入秋雲

繫山腰稱曰玉帶林阻谷奧無猛獸毒蛇蒙氏

號爲中嶽峰十九日斜陽曰馬耳曰佛頂曰聖

應曰龍馬曰玉局曰龍泉曰中峰曰觀音曰應

樂曰雪人曰蘭峰曰三陽曰鶴雪曰白雪曰蓮

花曰五臺曰蒼琅曰雲弄溪十八日漠南陽曰

亭莫曰莫殘曰清碧曰龍曰絲玉曰中曰桃曰

梅曰隱仙曰雙鴛曰白石曰靈泉曰錦曰芒湧

日陽曰萬花曰霞移峰夾溪飛瀉而下東注於

洱海環海之外復有諸山曰青嶺曰雞巖曰玉

几曰羅笪曰曩葱曰龜若拱若揖其間石窟巖

巒不能殫述山頂有泉曰高河深不可測按明

一統志在府城西高千餘仞有峯十九蒼翠如

玉盤亘三百餘里山頂有高河泉深不可測又

有瀑布諸泉流注爲錦浪等十八川蒙氏封爲

中嶽明洪武中沐英征大理出點蒼後立旗幟

以亂之遂克其城卽此山也元高昌雅詩水遶

青山山遶城由來人傑地應靈水光萬頃開天

鏡山色四時環翠屏明張羽歌三山標海裔五

嶽名中州安知金馬碧雞外乃有點蒼千仞之

神丘愚公有力不得移至今鬱鬱盤荒陬陰崖

猶遺太古雪白石一化三千秋

石門山 在蒼山之陰長松參天高巖蔽日

玉案山 在葉榆河崖上刻云此水可當兵十

萬昔人空有客三千司馬相如司馬遷俱曾至
此

西洱河 一名昆彌池又名彌海卽古葉榆水

也發源罷谷山經浪穹名寧河至普陀崕名蒲

陀江又一源出鶴慶府會蒲陀江入鄧川界分

爲羅時江彌苴佉江怒地江俱南流入上洱池

至府東名西洱河以形如月生五日抱珥之狀

也中有三島曰金梭曰赤文曰玉几水涯有洲

曰青莎鼻曰大貫曰鴛鴦曰馬廉受十八溪水

遠府西南由石穴中出點蒼山後入蒙化府界

會漾濞江按明一統志在府城東古葉榆河也

一名洱海又名西洱河源自鄧川合點蒼山之

十八川而匯於此形如人耳周三百餘里有

羅笪濃禾赤崖三島及四洲九曲之勝下流合

於樣備江濃禾島形如几案故又名玉案山

十八溪 名詳點蒼山下其梅溪又名瀑布泉

秋夏間奔流山坳中有一石大如馬水激石躍

鏗鉤如雷清碧溪又名翠盆水峪列三盆澗流

疊注翠碧交加

救疫井 在點蒼山下疫癘者飲之卽愈

趙州

鳳儀山 在州西一里又名三耳山一身兩翼

如鳳來儀

宿龍山 在州西北按明一統志在州治南唐

鎮南將軍建浮圖其巔

龍伯山 在州東與鳳儀山對

五佛山 在州東按明一統志在州治南下有

泉不竭不溢呼曰聖泉

赤佛山 在州南三十里

昆彌山 在州南四十里西平侯沐英更名定

西嶺按明一統志高千餘仞設關其上大江之

源出焉

九龍頂山 在州西南五十里九峰相聚勢若

游龍

畢鉢羅窟 在州南六十里白崖川西山巖壁

聳拔林麓蒼蔥

禮社江 在州東南流經白崖至定邊遠鎮南

入於元江按明一統志源自州白崖臉至楚雄

合瀾滄江

大江 源出定西嶺經九龍頂山名波羅江入

西洱河州之帶水也

昆雌江 源出蒙化之巍寶山合禮社赤水二

江會元江入交趾

雲南縣

青華洞 在縣南八里懸岩滴乳石竅玲瓏日

月光照可行十餘里

水目山 在縣南二十五里中多佛剎巔有深

泉

天花山 在縣南按明一統志又名南華山

龍興和山 在縣西按明一統志在縣治西北

其山高如扶風太乙之狀鬱然高峻與雲氣

連接固陰互寒雖盛暑不熱廣志曰五月雪霜

告然

九鼎山 在縣西北二十里九峰並峙簇若青

蓮石穴崆峒盤折而上令人有挾風羽化想僧齋靜室如蜂房鵲巢下臨絕壑有溪名萬花漣漪可濯卉草沿堤遊人四時不絕

寶泉山 俗名梁王山禮社江發源於此

葉鏡湖 在縣南三十里中有石如鏡

一泡江 源出寶泉山流遶縣城入青龍海經鐵索營歸金沙江

青湖 在縣西南其深莫測永樂七年黃河清此水亦清至今不濁

溪溝 在縣西三里源出寶泉山入定邊界夾岸十里花卉繁茂即萬花溪也

青龍海 在縣東南十里水源出入迴折如龍

周官些海 在縣東北十五里按明一統志又曰小蒙舍海

龍洞 在縣東五十五里疊嶂層巒中涵巨津

鄧川州

象山 在州西州之鎮山也

臥牛山 在州東北

東山 在州東七里下有龍潭

鼎勝山 在州東南洱河為帶渚嶼縈迴波光激灩

鐘山 在州北八里昔鄧賧詔避兵居之

南詔潭 在州西二十里闊十餘里三山環峙

萬木陰森一面有石牆為昔人避兵處

星鯉泉 在州東十里其中有魚額多星點按

明一統志自山麓石崖下湧出注為池深不可測灌溉甚多

羅時江 南流入洱河明知州周之相開河尾一道灌溉賴之

浪穹縣

方丈山 在縣東

靈應山 在縣東二十里巖有石像禱雨輒應

按明一統志在縣東二十里峻拔高聳上有石

巖巖中有石觀音像

天馬山 在縣東南二十里上有鎮蝗塔

佛光山 在縣東二十里山半有洞可容萬人

後尤嶮巖名一女關明征普篤顏於此

寧山 在縣西按明一統志形如鳳翼又名鳳

翼山

鳳羽山 在縣西南三十里舊名羅浮蒙氏時

有鳳死於此九月百鳥咸集啁啾哀鳴土人以

火取之多得異禽故又名鳥弔

罷谷山 在縣北二十里傳為蘭滄江之伏流

蒙次和山 在縣東北四十里三面險峻一面

臨河昔施浪詔居焉

蓮花山 在縣東北四十里按明一統志狀似

蓮花三面陡絕惟一面才通一馬山麓有唐僧

三藏所建浮圖鎮紅孩兒之怪

洞山 在縣西南洞中有水上承巖溜其聲珊

然

大營河 在縣東十里經水皮村會於寧河

九龍泉 在佛光山下其泉有九俱自石竅中

湧出灌溉賴之

賓川州

雞足山 在州東一百里一頂三支儼如雞距

名山記為九重巖上有石門曰華首佛刹大者

凡七十三仙靈窟宅名勝不可悉載佛書云周

孝王五年丙辰歲迦葉波既付法阿難乃持僧

伽黎衣入雞足山以待慈氏下生傳即此處

鍾英山 在州東百里饒竹箭毛革之利

筆架山 在州東五里拱向學宮

烏龍山 在州西南四十里東建白塔北多奇

石有觀音洞石像大士貌甚莊嚴按明一統志

白塔山在烏龍山之東麓其上有塔奇石山在

烏龍山之北麓山多奇石空竅玲瓏上有大王

廟觀音洞在州西南崆峒哈呀奇詭不可名狀

中有天然石觀音像

翠屏山 在州西北四十里按明通志形方而

頂平蒼翠橫列如屏

金沙江 在州東北即若水也

孫水 在州東北金沙江之別流水經注曰白

沙江司馬相如梁孫原即此南入若水按若水

經金沙江巡檢司地與繩水孫水淹水瀘水大

渡水會為一津東流注馬湖江武侯南征曾渡

此處

七溪 曰鐘良曰銀曰石寶曰寒玉曰通洱曰

赤龍曰豐樂皆資灌溉而豐樂為最

大河 出梁王山合竹泉橫溪經州北入金沙

江

金龍湫 在州西百里按明一統志洱河之東

林木茂密泉聲混混行人過之毛髮悚然禱雨

輒應

烏龍池 在州西南五十里居民作堰灌田

雲龍州

三崇山 在州西五里壁立萬仞人跡罕到有

行至半山者遇雷雨沙石而止相傳即古三危

山

蘭滄江 在州東二里傳即黑水源出吐蕃鹿

石山本名鹿滄流入滇境首過蘭州故稱蘭滄

後人訛爲瀾滄或又訛浪滄自麗江經州東南

過永昌蒙化順寧景東元江交趾達南海按山

海經曰洱水西流入於洛故蘭滄又名洛水言

脈絡分明也

北勝州 自老君山後發源入州界合於蘭滄

烏洞山

在州西二里上列五峰下有一洞

東山 在州東二里石壁刻吳道子畫大士像

蘭滄山 在州西南二里高二百餘丈

三泉山 在州東南三里崖湧三泉民資灌溉

雞鳴山 在州西二十里

甸頭山 在州北三十五里

大坡南嶺 在州東南一百里上有龍湫聞人

聲則風雹立至

老虎山 在州南一百三十里其形如虎昔多

山怪武侯乃斷其首

白角山 在州西白角鄉

九龍山 在州南

羅易江 在州東流入永寧府

程海 在州南四十里周八十餘里相傳本陸

地有程姓居此一夕忽沉爲海故名

程湖 在州南五十里下流入金沙江

九龍潭 在州西十五里下流入金沙江

五浪河 在州西五十里源出四川

白角河 在州西南流入西蕃界

桑園河 在州西南一百五十里流入金沙江

通志未載山川

太和縣志

雞足山 按明一統志一名九曲山在府治洱

海東北一百里峯巒攢簇如蓮花盤曲九折共

三足上有石門七十二寺仙靈所居林樾雄深

梯磴險絕世傳佛弟子大迦葉守佛衣以待彌

勒之所蓋洞天也絕頂五更見日出之光偉觀

非一遊人須旬日半月乃可盡其勝焉

瀑布泉 按明通志在點蒼山應樂峰之南澗

曰梅溪夏秋瀑布下有盆澗盆中有一激石其

大如馬水激石跳鏗鏘如雷千仞壁上有詩不

留姓氏翠壁千尋掛玉泉盆澗激石幾千年當

時躍浪如龍馬砥礪磨礱變却圓正練捲將高

五尺須臾墜落潭花白如今任運自推移等閒

占斷蛟龍宅

翠盆水 按明通志即青碧溪在馬龍峰之南

峪有三盆澗水三疊盆中水清石麗翠碧交加

藥師井 按明一統志在府城西此水造紙極

潔白

赤水江 按明通志源出定西嶺

普河魚池 按明通志在州東北五里池中多

魚人不敢捕云龍王兵也

白崖險江 按明一統志源出定西嶺東南流

經州白崖險至定邊縣入禮社江

玉泉井 按明一統志在州北一十里元楊庭

撰碑世祖征南駐兵於此時久旱軍士咸渴世

祖懇禱以劍插地清泉湧出

雲南縣志

梁王山 按明一統志在縣北三十里蒙氏時

酋長王氏居焉按明通志元梁王行宮在焉今

掘地有琉璃瓦

珍珠泉 按明通志在縣南四十五里湧泉如

噴珠雖熯旱不竭

大河 按明通志源出梁王山合竹泉橫溪二

水流經賓川州界北至金沙

鄧川州志

綠玉池 按明通志在州治北七里

上洱池 按明通志在州南十五里

油魚穴 按明通志在州南二十里中秋則魚

肥長僅二三寸十月望則絕

浪穹縣志

明河寧湖 按明一統志在縣西北五里周迴

五十里水色如鏡

樣備江 按明一統志源自劍川州經縣過點

蒼山西洱海至趙州西南境下流入瀾滄江

彌苴佉江 按明通志出浪穹龍谷山南流注

於西洱河鄧川州之帶水也浪穹名爲蒲陀江
一統志譌爲葡萄江

龍池 按明通志在縣西俗名魚子湖水色青
碧其魚人莫敢取爲有龍居之

溫泉 按明通志趙州鄧川賓川雲南縣皆有
惟浪穹九氣泉爲最浴之可愈疾

賓川州志

書案山 按明一統志在筆架山之麓平正如
書案故學宮向之

歸山 按明通志在州十二關長官司之西

上倉湖 按明通志在州治九曲山之南周迴
十里中產蓮花菜

龍潭 按明通志有三曰乾龍在乾海子嘴曰
紅雀在龜山東曰火龍在石鐘寺側

雲龍州志

三峰山 按明一統志在州治西

水利附

通志

本府 太和縣附郭

穿城三渠 南曰白塔江中曰衛前江北曰大
馬江三渠穿城東出一以備火一以灌田

禦患堤 在府城西即城壕暴流沙石再歲不
濬則與堤平明弘治間大水入城壞廬舍因築

爲堤今廢

水缺 在天台寺前水決輒排西門入每歲於
缺處堆大石殺其勢

麻黃澗 在府城西北舊由教場北入大馬江

自古道壅塞大雨漲潦直衝大路至西門前人

議濬復故道不果

城北渠堤 府城北有數處昔因居民壞塔以
致蛟變戕嶺諸村田地覆沒嘗議濬築未就

趙州

東晉湖開 在州東北湖中水乾其田可耕歲
以五月五日啓開九月九日閉開然雨暘無定

率至愆期議於湖中穀收日閉湖外麥收日啓
爲便

雙塘 在州治東八里明洪武初民以磚甃堤

利甚溥歲久潰嘉靖間分巡撫使安如山歲令
瀕田人家量畝出力修築民甚便之

甘陶水塘 舊有堤防利爲豪右所專明知州

潘大武議夾石爲渠穿孔分水其利始均
城西堤 在州西三耳山按明通志舊有夾流

因無瀦堰散漫滲洩不爲民利議築堤瀦水以
備歲旱非直田疇蒙其灌溉而飲汲有甘冽之

利矣

雲南縣

品甸灣 在縣東北十里舊引寶泉山水蓄於
周關品甸二陂歲久溝塞明嘉靖間知縣宋希

文開古道以時瀦蓄軍民利焉

寶泉壩 在縣北二十里積水禦旱明景泰間

分巡副使周鑑分守叅政趙雍重修

段家壩 在白塔村去縣二十五里東接鏡湖

投思平所築明成化間黔國公檄都指揮馬鉉
重修

新興壩 在縣南山下明嘉靖間知縣宋希文

築周八里

荒田陂渠 在驛前東南平壤千頃久缺水利
明嘉靖間右叅政石簡倡議劉伯耀相繼修舉

民甚利之

鄧川州

橫江堤 在州後大邑新生上登三里州西之

田賴之明永樂間同知李福築堤正德間署印
縣丞祁倫修

彌苴佉江堤 在州前平川堤高二丈寬四丈

綿亘四十餘里障浪穹湖水灌溉闡州田地堤
東軍屯修之堤西里民修之其利甚溥水爲西

洱河源

羅時江堤 在州前按明通志弘治間知州阿
驥分爲界至行令各里村長自領水夫開挖修

築每年二月一次今廢

上下登堤 在州西一里每秋漲多沒田廬明
正德間郡人楊南金倡衆築石爲堤其患始息

大水長堤 在州南舊以水磨在堤南致秋潦

爲害明嘉靖間兵備副使姜龍令移水磨堤北
又修築舊堤二百餘丈水因南趨不復爲害

廟後堤 在州北二澗合流姜龍修

圓井堤 在州西北

羅甸渠 出東山居人引溉田畝

浪穹縣

溪登渠 在縣西

三水陂 曰南江通寧通濟三水淤沒軍民田
地三百餘畝明嘉靖壬寅濬導

山根渠 在縣南七里灌田三千餘畝春夏之交一淘汰之

紅山渠 在縣東北十二里名三營川

三江口渠 在縣東南九里有三水一自寧河

一自三營一自鳳羽明嘉靖間僉事王惟賢議

築石堤未果按浪之罷谷山洱源出焉是為寧

海下注鄧川嘉靖初西澗水泛流沙壅塞江口

淹沒民田若干畝竟成大湖其糧攤入里甲今

時修時壅非大為濬治不可

賓川州

大場曲堤 在州西北舊為豪右利坡底土肥

可田斷水別流坡外之田半為廢壤明嘉靖間

知州朱官改水築堤而復之歲乃收

新渠 在龜山東舊以乾龍紅雀二潭不為民

利議決乾龍入鍾良溪決紅雀入楊梅谷墾田

當至數百亦萬世利也

煉洞甸頭甸尾諸渠 在煉洞諸山下舊多盜

民有棄田而去者明嘉靖二年兵道姜龍令土

同知高崙督捕盜屏息民漸復業二十五年知

州朱官作諸渠自是荒土皆耕地也

烏龍壩 在白塔山下按明通志在烏龍山頂

居民瀦水灌田壩上有廟禱雨屢應

上蒼渠 居民蓄水處

梁王壩 在團山下日久圯壞壅塞明天啓間

知州楊雲起重修

北勝州 觀音箐壩 在州治東三里

盟莊壩 在治西三十五里

包家壩 在治南八里

海開 在治南七十里

河草壩 在治西南三里

長溝壩 在治北三十里

九龍堤 在治西北三十里

大理府城池考

本府 太和縣附郭

通志

大理府城池 一名紫城即漢葉榆地明洪武

十五年重築明年都督馮誠展東城一百丈周

十二里高二丈五尺敵臺十五座鋪舍三十九

所池闊四丈深八尺開四門東曰通海南曰承

恩西曰蒼山北曰安遠城上四陲為曲樓

皇清康熙年間道府重修池闊四丈深八尺

外州縣

趙州城池 明弘治二年憲副林俊築土城周

三里高一丈三尺池深一丈

雲南縣城池 即衛城明洪武十九年建周四

里三分高二丈三尺池闊四丈深二丈

皇清康熙七年守備葉蓁知縣王請度涂方昇重修

鄧川州城池 舊以水患頻遷明崇禎十三年

遷州治於鄧川驛建土城周六百七丈無池

浪穹縣城池 明萬曆末年建土城周二里三

分高一丈二尺今圯無池

賓川州城池 明弘治七年築掘地得石碑刻

大羅城三字莫攷其始因以名城亦以名衛周

四里三分

雲龍州城池

明萬曆三十年知州周憲章建

立土城

北勝州城池 明洪武二十九年建指揮王佐

築石城通水壕周五里三分高一丈六尺正德

中震圯衛官相繼重修

皇清康熙五年士民重修

大理府關梁考

本府 太和縣附郭

通志

龍首關 在府北九十里舊名上關據蒼洱上

游如龍之首故名為郡北要害

龍尾關 在府南三十里舊名下關鎖蒼洱下

流如龍之尾故名為郡南藩蔽城南有橋橋南

峭壁阻重河之險明洪武初將軍傅友德遣王

弼由洱水東趨上關湖海由石門關間道遠出

點蒼山後立旗幟眾見驚潰腹背攻之遂斬關

而入即二關是也按明一統志在點蒼山南其

右有石長丈餘名天橋洱海之水過其下兩崖

石險人不可度又名石馬橋

南門關

北山關

西山關 俱在

北勝州

雙鶴橋 在府南門外跨綠玉溪按明一統志

橋柱立二銅鶴

安固橋 跨龍溪明成化間知府李遜建後圯

弘治間知府馬自然重建復圯萬曆丁丑分巡

王希元重建

陽和橋 跨青碧溪亦王希元建

十里橋 鶴背橋 陽南橋 各跨

葦蕒陽南等溪皆石橋爲梁

清風橋 一名黑龍橋長一十五丈明正統間

知府賈鋒守備鄭俊同建分水爲五道郡治橋

梁此爲第一

子河橋 龍關橋 俱跨海尾亦條石爲梁

以上九橋在府城南

獅子橋 在府北門外城壕上

宣化橋 跨排溪舊橋屢壞明弘治十年通判

劉傑創建又作一丈浮屠翊之

四里橋 跨海岑溪

五里橋 跨隱仙溪

白石江橋 跨雙鴛溪

屏峰橋 跨白石溪

塋曲橋 跨靈泉溪

洛陽橋 跨錦溪

灣橋 跨芒湧溪

作邑橋 跨海岑溪

牧牛橋 跨萬花溪分水爲十道

院塋橋 跨霞移溪

峩峩橋 橫潦衝決石梁不存近作木橋時漂

於水

波羅江橋 以上十四橋俱在府城北

趙州

永安石橋 明弘治二年楚雄同知陳寶建

曹溪石橋 一名湯顛橋按明通志耆民趙永

齡建

南義石橋 明嘉靖八年建

水磴橋 明嘉靖九年建

雙橋 在白崖

天津橋 在迷渡以上六橋俱在州南

東山橋 在州東明嘉靖十六年重修

雲南縣

倚江橋 在縣西一十里

赤水橋 在縣東南二十五里

大小板橋 俱在雲南驛

孔全橋 義士孔全所造構木跨水長十丈許

鄧川州

德源石橋 在州北按明通志在州北十里三

空行水天順間舍人王綱募衆建

青索鼻石橋 在州東二十里巡檢司左按明

通志成化二十三年舍人胡泉建

銀橋 在州東三江頭按明通志嘉靖二十三

年左所軍王經建

龍橋 在州東九里明弘治四年同知程永亨

重修嘉靖二年上關人沈軌易以石

三道橋 在州東按明通志中三空左右二座

各一空天順間左所人蔣慶建弘治十六年杜

文忠輩重修

新橋 在州東三里明嘉靖間知州何國禎重

修

進寶橋 在遵政鄉

浪穹縣

通寧橋 在縣東南三里按明通志嘉靖間耆

民李敏楊綸等建

分水橋 在縣東四里按明通志鄉民孫漢等

重修

通濟橋 在縣東八里按明通志鄉民朱倫等

重修

廣濟橋 在縣東三十里按明通志鄉民李文

華建

匯川橋 在縣東南十五里

南江橋 在縣南四里

猿江橋 在縣西南十五里按明通志嘉靖二

十四年縣丞解椿重修

賓川州

南薰橋 在永安門外舊爲秋潦所圯明嘉靖

間知州朱官重建

吳公橋 在州西二里明嘉靖間知府吳仲善

建知州唐佐知州朱官相繼重修

石門橋 在州北

通江橋 在州北四里

桑園橋 在州北七十里

雲龍州

雲龍橋 明嘉靖七年建

北勝州

來薰橋 去州北一里

長安橋 在州北

太平橋 在州北二里

觀瀾橋 在州北五里

三渡河橋 在州北一百五十里

濟江橋 在州北二百里

碧溪橋 在州治東

大河橋 在州北五里

通川橋 水入蜀江

永安橋 在州西二十里

大理府公署考

通志

本府 太和縣附郭

大理府治 在城內明洪武十七年建天順成

化間知府于蕃蔣雲漢增拓嘉靖間知府楊仲

瓊蔡紹科鄭恭畢鸞相繼增修隆慶二年知府

史詡改建康熙八年知府朱雅淳重修

同知署 通判署 經歷司

司獄司 俱在府內

公館 久廢

督學道考場 舊在府治東南久廢臨考借縣

治

太和縣治 在城內後改爲學道考場今復縣

治

典史 在縣治

外州縣

趙州治 在城內西南隅

吏目署 在州治

迷渡市巡檢司 在州南九十里

雲南縣治 在洱海衛城內因傾廢今移駐行館

典史署 在縣治

鄧川州治 在城內明萬曆間山水沖沒凡四

遷崇禎年知州敖洪貞遷建於來鳳岡

吏目署 在州治

浪穹縣治 在城內知縣金文舉建

賓川州治 在城內

吏目署 在州治

赤石巖巡檢司 在州東八十里

賓居巡檢司 在州西南三十五里

雲龍州治 在城內明萬曆間知州周思南建

州判署 在州治

北勝州治 舊在瀾滄衛城外明洪武十七年

建弘治九年遷移城內西南隅

吏目署 在州治

舊制設推官一照磨一俱在府治內

巡檢司 凡六一在定西嶺一在順寧亦壁乾

海子一在蔓神寨神摩洞順寧鑄水寨一在白

羊市一在金沙江一在雲龍甸驛六一在洱西

一在定西嶺一在德勝關一在鄧川一在瀾滄

一在清水提舉司一在五井今俱裁

鹽課司 四一在諾鄧井一在大井一在順盪

井一在師井今仍稅課一在府西河泊所一在

府東北

僧綱道紀陰陽醫學今俱廢

舊制設四衛指揮使

皇清順治十六年改爲守備千總大理衛在府城洱海衛在雲南縣大羅衛在賓川康熙六年裁瀾滄衛在北勝州二十六年裁今俱廢

欽定古今圖書集成方輿彙編職方典

第一千四百六十八卷目錄

大理府部彙考二

大理府學校考

大理府戶口考

大理府田賦考

大理府風俗考

大理府祠廟考 寺觀附

大理府驛遞考

大理府兵制考

職方典第一千四百六十八卷

大理府部彙考二

大理府學校考

本府

大理府儒學 在府治南漢章帝元和二年建

元至元乙酉雲南行省參政郝天挺新之明正

統間知府賈銓重修景泰間知府干璠作科第

坊及學舍成化間知府蔣雲漢置樂器弘治間

知府吳晟鑄祭器正德癸酉地震傾圮知府梁

通志

珠修葺更闢尊經閣知府汪標鑄宣聖像嘉靖

中知府楊仲瓊等重修兩廡橋門提學副使蔡

雲程等置學田同知高鏞鑿泮池及建名宦鄉

賢祠隆慶中知府毛德禎修齋舍巡道陳應春

修大殿明倫堂其經籍祭器兵燹後無存

皇清康熙二十二年重修二十五年知府王興禹等

製木主捐修大殿門廡扁額石欄

蒼山書院 在府城西南明弘治間巡按御史

謝朝宣建今廢

源泉書院 在府學西明嘉靖間同知江應昂

建置贍田今廢

桂林書院 在府治北四十里明嘉靖間郡人

參議張拱文建今廢

龍關書院 在府治南三十里同知江應昂建

今廢

義學 二在府儒學明倫堂東西康熙二十年

知府王興禹捐俸置田延師訓課

社學 按明通志城內外皆有之其在府治南

者隆慶六年分巡僉事陳應春置

府學田 按明通志在大理鄧川等界歲久淹

廢嘉靖間督學副使蔡雲程查歸一百六十九

畝二分分巡僉事王惟賢置買九畝五分隆慶

間分巡僉事陳應春置買十二畝知府史翊置

買十九畝先後共田二百九畝七分

太和縣儒學 在縣治東明洪武二十七年建

景泰六年知府于璠修正德二年巡按御史陳

天祥知府吳晟以規制淺隘易民居拓之作後

堂號舍嘉靖元年副使姜起龍作尊經閣隆慶

六年僉事陳應春知府史翊復修并鑿泮池

皇清順治十六年知縣穆惟深修理康熙二十七年

通判趙之蘭捐修門廡泮池

義學 四一在縣儒學西文昌宮內一在上鄉

喜州玉皇閣內一在中鄉馬久邑文昌宮內一

在下鄉鶴頂寺內康熙二十九年知縣張泰交

捐俸延師訓課

外州縣

趙州儒學 在州治南明洪武十八年建宣德

十年知州王諫修正德十年知州王宗器增修

皇清康熙十一年知州王秉坤改建於城西鳳山之

麓康熙二十八年知州陳光稷學正李北有修

飾新建文昌宮魁星閣於左

玉泉書院 在州治東北嘉靖間兵備副使姜

龍建今廢

鳳儀書院 在州治左萬曆間署印通判殷才

建今廢

義學 二一在迷渡北門外一在本州學署左

康熙二十八年知州陳光稷捐俸設立學正李

北有捐俸延師訓課

鳳山社學 按明通志在州治前正德九年知

州王宗器建

雲南縣儒學 在縣治南明洪武十八年建弘

治間僉事周鳴岐遷洱海衛左萬曆中知縣劉

延齡重修

皇清康熙十一年知縣塗芳昇同紳士重建魁星閣

青華書院 在縣城外西南明正德間兵備副使林魁建

五雲書院 在舊縣址明嘉靖間兵備副使沈橋建

義學 三一在本城龍翔館明兵道何闕中開墾南豐壩田年收租穀八十石以三十石完糧以五十石撥供本館後人延師束修費用一在七百莊青華館招墾沙地年收麥九石以供館用一在黃連樹萬青園鄉耆楊士鼎周平章李正坤李正芳楊旭耀等協建義學一所田一區年收租穀三十石供館用

社學 按明通志在五雲書院左兵備使沈橋建

鄧川州儒學 在州治右明洪武十七年建成化二十二年巡按御史郭紳遷於州治後崇禎初知州徐保泰遷於頂聖山距城五里荒僻傾圮

皇清康熙二十六年知州何琛捐俸同儒學周道治投縱新建於州治南門內

象山書院 在州治西今廢

玉泉書院 在州治北三里今廢

義學 八一在州城內一在右所鄉一在大石坪一在東川鄉一在兆邑村一在城西一在西川鄉一在中所鄉舊置買學田每年延師訓課社學 按明通志在州治北大邑村弘治間巡撫王懋中建

浪穹縣儒學 明洪武十八年知縣金文舉建

弘治間分守叅政毛科遷於治西南歲久傾圮皇清康熙元年知縣羅時昇捐修二十一年知縣吳一驚重修二十八年知縣趙珙教諭張端亮訓導劉發祥捐俸重葺

寧川書院 在縣治西明正德間知縣蔡果建龍華書院 在縣治北明弘治間知縣蔡霄傑建

育才書社 在啓聖宮右康熙二十七年建置田三十餘畝以贍生童

社學 按明通志在縣治西護明寺賓川州儒學 在州治前明洪武七年建嘉靖二十年知州吳仲善重修

皇清康熙十二年學正繆琰重建啓聖宮秀峰書院 在州學西南明嘉靖間知州朱官建今廢

義學 二一在城中文昌宮內一在周官營大乘寺康熙二十九年知州甘國輔捐俸延師訓課

雲龍州儒學 明萬曆四十二年巡撫周嘉謨題設天啓四年知州周憲章建

皇清康熙二十四年知州張澈復遷於州治之北二十八年知州丁亮工重修

社學 按明通志吏目趙策建義學 在州署左福隆寺康熙二十九年知州丁亮工捐俸延師訓課

北勝州儒學 明洪武十七年建弘治正德間兵備吳球焦韶晁必登繼修萬曆十八年知州

劉九思遷城西二十八年知州羅好仁學正王朝臣鑿泮池建坊萬曆間知州孫台遷於城之東南殿廡門堂齋舍坊表一新天啓間知州劉上觀重修鑿泮池後因兵變傾圮

皇清康熙初年改於城內開化寺廟貌卑隘二十二年知州申奇猷將舊鎮撫衙門改爲學宮義學 在州城內康熙二十九年知州申奇猷捐俸延師訓課

大理府戶口考 通志府志合載

府總 并北勝州附轄

康熙三十年分原額人丁并編審清出除頂補老故外共丁四萬七千九百五十六丁額徵丁銀六千六百七十五兩三分六釐又康熙二十五年編審清出人丁一百四十八丁應徵銀三十二兩九錢二共人丁四萬八千一百四丁共銀六千七百七兩九錢三分六釐又額外康熙二十五年編審增出沐莊人丁一百七十七丁應徵丁銀二十三兩二錢九分康熙七年奉裁洱海大羅二衛軍舍人丁歸併州縣徵收
原額軍舍土軍人丁及編審清出除頂補老故外共丁一千四百六十丁額徵丁銀五百七十七兩九錢六分
康熙二十六年奉裁大理瀾滄景東三衛分歸州縣徵收
原額軍舍土軍人丁并編審清出除頂補老故

外共丁四千九百八十七丁額徵丁銀一千八百四十九兩七錢四分

太和縣

實在人丁四萬五千四百五十五稅糧七千七百八十三石四升二合共編銀一千三百二十九兩六錢六分七釐

趙州

實在人丁一萬二千三百九十三稅糧三千三百九十四石二斗九升七合共編銀七百五十七兩二錢九分九釐

雲南縣

實在人丁二萬二千九百四十八稅糧四千五百五十三石六斗七升二合共編銀六百二十七兩四錢三分七釐

鄧州

實在人丁一萬八千九百五十三稅糧二千四百一十一石七斗七升二合共編銀六百七十七兩一錢四分七釐

浪穹縣

實在人丁二萬三千一百九十九稅糧三千八百二十七石三斗六升九合共編銀七百五兩一錢四分七釐

賓川州

實在人丁二萬二百二十五稅糧二千七百九十一石六斗五升六合共編銀六百一十七兩七錢一分四釐

雲龍州

實編人丁五千一十二關長官司

實編人丁六百四十一稅糧一十七石五斗各州縣俱照十段徵銀在庫官吏支銷里甲歸農

大理府田賦考

通志

府總并北勝州附轄

原額民賦田地共一萬一千六百八頃六十二畝五分六釐九毫四絲一忽一微三塵九渺查額內尚有荒蕪田地額編錢糧見係除荒徵解統俟開墾全熟足額

實徵夏稅本折麥九千六百八十五石一斗五升四合三勺七抄五撮一圭七粒九顆八粟實徵秋糧本折米一萬五千九百一十二石六斗九升二合八勺六抄三撮三圭九粒五顆一粟

實徵條編地畝等銀一萬二千六百七十二兩五錢五釐三毫一絲二忽八微一纖八塵一渺八漠

又額外增出沐莊田地共二百七十五頃八十畝三分四毫二絲一微八纖九塵七渺二漠查

增出田地內尚有荒蕪額編錢糧見係除荒徵解統俟開墾全熟足額

實徵夏稅本折麥五十三石八斗一升八合七勺六抄一撮六圭二粒七顆七粟

實徵秋糧本折米三百五十石六斗六升九合三勺二抄七撮七圭六粒九顆九粟

實徵條編銀二百二十六兩一錢五分三釐三毫五絲一忽二微三纖一塵九渺

附額徵除懸額無徵外

原額觀場田租銀四十四兩二錢五分二釐全徵

商稅門攤審課租課酒醋課米課絲店課耙子

豬羊街橋各項課銀八百三十六兩九錢九釐

一毫九絲遇閏加銀二十二兩八錢七分三釐

六毫九絲五忽全徵

街稅地租銀三兩五錢全徵

魚課折色米鈔銀五百四十一兩一錢四分九釐全徵

差發綿綢銀三十一兩七錢五分五釐二毫全徵

商稅海肥易銀二十五兩三錢二分全徵

魚課米三十五石五斗每石折銀五錢該銀一

十七兩七錢五分全徵

石礪場課銀八兩全徵

站丁認辦銀一百六十二兩四分一釐八毫五絲全徵

絲全徵

康熙七年奉裁洱海大羅二衛歸并州縣徵收

原額屯官馬料公種公樣鐵索營官租等田地

共八百二十一頃七十八畝六分五釐九毫四

第一七七冊 之〇七葉

絲四忽五微五纖九塵四渺查額內尚有荒蕪田地額編錢糧見係除荒徵解統俟開墾全熟足額

實徵本色麥一千一百六十三石三斗八升五合八勺一抄八撮三圭五粒一顆六粟

實徵秋糧本色米六千八百二十六石四斗八合四勺一抄二撮二圭八粒

實徵本色穀三十九石九斗二升一合

實徵折色夏稅秋糧麥米穀蕎共三千六百二十六石四斗三勺九抄四撮各折不等該折色銀一千二百八十七兩四錢四分七釐二毫三忽

康熙二十六年奉裁大理景東瀾滄三衛分歸州縣徵收

原額屯官馬料公種公樣等田地共一千六百七十九頃四十七畝一分九釐二毫八絲一忽查額內尚有荒蕪田地額編錢糧見係除荒徵解統俟開墾全熟足額

實徵本色蠶豆一百八十四石二斗二升三合八勺

實徵夏稅本色麥三百七十四石三斗六升一合七勺

實徵秋糧本色米九千四百五十石七斗三升四勺七抄七撮一圭六粒六顆

實徵本色穀四百六十六石一斗六升

實徵折色夏稅秋糧麥米穀蕎共一萬七千九百二石一斗二升四合二抄七撮五圭七粒四

額各折不等該折色銀七千二百四十五兩一錢八分八釐七毫八絲六忽七微五纖一塵附額徵

原額草場除荒蕪無徵外實徵銀五十七兩五錢七釐

以上額徵共銀二萬二千九百三十三兩三錢二分五釐五毫四絲二忽五微九纖七塵一渺八漠又額外增出沐莊條編銀二百二十六兩一錢五分三釐三毫五絲一忽二微三纖一塵九渺又人丁項下額徵銀九千一百二十兩六錢三分六釐又額外增出丁銀二十三兩二錢九分四項共銀三萬二千三百一十三兩四錢四釐八毫九絲三忽八微三纖一塵八漠起運

布政司項下 起運銀一萬六千五百兩四錢六分八釐九毫四忽五纖八漠糧道項下 銀八千五百三十二兩六錢三分五釐九毫八絲九忽七微八纖一塵存留

俸工項下 官役俸食共銀六千二百七十一兩

支給項下 鞭祭等銀二百六十九兩五錢

鋪兵工食銀七百三十九兩八錢本色

額徵夏稅秋糧本折麥米豆穀共四萬四千一百二石六斗七升八合四勺四抄六撮三圭七粒二顆五粟

額外增出額徵夏稅秋糧本折麥米共四百四石四斗八升八合八抄九撮三圭九粒七顆六粟以上麥米聽糧儲道支用報銷

大理府風俗考

通志

府總

樊綽滇志高山大川鍾靈毓秀代有人物

郭松年大理行記俗本于漢民多士類

元李景山記書有晉人筆意

舊志科第顯盛志尚氣節崇奉釋教俗多豪華圖志居人能農不能賈山水之利率歸客商人多好善明時科甲理學較他都為盛質直好義無鉤曲之行婚喪遵朱子家禮四時墓祭明通志觀音市三月十五日在蒼山下貿易集各省之貨唐永徽間至今朝代累更此市不變知是觀音入大理後人至日燒香四方聞風各以貨來也家無貧富皆有佛堂少長手念珠一歲中齋戒居半田四畝曰一雙白子國南詔皆治于此俗多豪華阿闍黎僧有室家能誦呪制龍大理原有羅刹

邪龍爲患觀音以神力閉之于上陽溪洞中傳
留呪術以厭之今有阿叱力僧綱司云

節令祭葬服食貨貝等俗與列郡同

部屬之彝鄧浪有獼獼性悍趙州有彝懦弱嘗
土而耕能知土味辨其可種何穀果如其料民
間欲効之不得其妙

約信不爽貧多借貸如期酬償毫釐不欺故江
西人居之以爲奇貨皆致大富在今賓川州雲
南縣

雲龍州三崇山後有野蠻距郡五百里一言不
合白刃相向

大理府祠廟考

通志

本府 太和縣附郭

風雲雷雨山川壇 在府南四里

社稷壇 在府城北三里

郡厲壇 在府城北一里

城隍廟 在府城內西南州縣同

旗纛廟 在府城西演武廳後

八蜡廟 在府城西北崇聖寺塔前歲冬至後
祭

風伯祠 在府城西北五里明嘉靖中僉事彭
謹因暴風建冬至後戊日祭

蒼山神祠 在府城西三里中峰之麓

洱水神祠 在府城東五里洱河西岸歲春秋
二仲祭

武侯祠 在府城西南

關王廟 在府治西南

文昌祠 在儒學西春秋二丁祭

海口龍王廟 在府南三十里太和縣春祭趙
州秋祭

雷廟 在府治西南

東嶽廟 在府城西北一里

南嶽廟 在府城南

海神祠 在洱河北南詔異牟尋復歸唐時立
此示不復叛之意按明一統志在洱海北城內
又有洱河廟

馬神廟 在府關王廟內

杜公祠 在府城南五里玉局峰麓

救生廟 在府治西南興福寺左

清平廟 在府治北遺教寺內

福邦廟 在府城北塔橋村

福民廟 在府城北三十里相傳昔鄉人有貧
不能耕者一青牛代之耕耕已入廟遂不見廟
後但有龍馬蹄跡云

三靈廟 在府城北四十五里喜洲村

安龍廟 在府城西南隅初建城時築至此輒
祀父老謂有龍在焉因爲立廟自是城不復圯

五壇神廟 在府治東北

七壇神廟 在府城南太和村

太歲廟 在府城西南

南天神廟 在府城南外館驛西有禱輒應祀
無虛日

神寶泉廟 在府城南五里其地有三泉湧水
灌溉廟神有祀明嘉靖間廟災泉因之閉郡民
白其事於官新之明年泉復出

李將軍廟 在府城南三十里祀唐李宓

伏波廟 在府城南龍尾關相傳武侯駐兵滇
水一軍皆瘡因禱伏波卽此廟也

趙州

儒風祠 在州治北唐鮮于仲通征南詔攜儒
生張姓者沒於此後人立廟祀之

建峰廟 在州東南按明一統志蒙氏時有東
川人趙康居此歿後土人立廟祀之

林公祠 舊在州儒學右後改建於州治前林
諱俊字見素閩莆人時爲分巡副使

雲南縣

眞武廟 在縣城南

鄧川州

土主廟 在州治後

三正祠 在州北祀憲副林名俊侍御郭名紳
兵憲姜名龍

三堂廟 世傳蜀人三弟兄至此教民耕讀定
民田廬鄉人德之立祠以報在鄧川州

貞節祠 在州東六里打油村山坳卽鄧賧詔